

NOS MINISTERIO DI REINO

MEI 2014

SIMAN DI 12 DI MEI

Cantica 49 y Oracion

❑ Estudio di Bijbel di Congregacion:

cl cap. 7 §1-8 (30 min.)

❑ Scol di Ministerio Teocratico:

Lesamento di Bijbel: Exodo 27-29 (10 min.)

Num. 1: Exodo 29:19-30 (4 min. of menos)

Num. 2: Hesus No A Parti e Ley di Moises den Dos, un Parti "Ceremonial" y un Parti "Moral"
—rs-S pag. 336 §1-2 (5 min.)

Num. 3: Abraham. Obediencia, Generosidad y Curashi Ta Cualidadnan Cu Ta Agrada Jehova
—it-1-S pag. 30 §7—pag. 31 §2 (5 min.)

❑ Reunion di Sirbishi:

Cantica 75

15 min: Tur Nacion Lo Basha Bay na Dje. (Isa. 2:2) Entrevista dos publicador, un cu tin hopi tempo den e berdad y un cu ta mas recien. Kico a atrae nan na e berdad? Ki dificultad nan mester a supera? Kico ta e cos cu a impresiona nan ora nan a bay reunion pa prome biaha? Kico nan ta corda di e prome biaha cu nan a sali den sirbishi? Con otro ruman den congregacion a yuda nan progresia den sentido spiritual?

15 min: "Con pa Mehora Nos Sirbishi: Prepara un Bon Introduccion." Discurso cu participacion. Tene un demostracion cortico di dos parti. Promes, mustra con un publicador ta presenta un introduccion cu no ta bon prepara. Despues, mustra con e publicador ta presenta un introduccion bon prepara. Si tempo permiti, inclui puntonan relevante for di e buki Skol di Ministerio, pagina 215-219.

Cantica 117 y Oracion

Con pa Mehora Nos Sirbishi: Prepara un Bon Introduccion

Dicon e Ta Importante: Si nos introduccion no ta lanta interes di e persona cu ta scucha nos, lo e por para e combersacion promes cu nos por dun'e testimonio. Pesey, hopi publicador ta haya cu e prome frasenan di nan presentacion ta hopi

importante. Aunke *Nos Ministerio di Reino* y e buki *Rasonamento*, na Spaño, ta sugeri algun presentacion, no ta semper nan ta completo; pues tin espacio pa ta flexibel. Hasta si e presentacion ta completo, publicadornan por adapt'e of prepara un di nan mes. Nos lo tin mas exito si nos prepara nos prome frasenan bon en bes di djis bisa loke bin na nos mente ora cu e persona bin na porta.—Prov. 15:28.

Con pa Hacie:

- Scoge un tema cu ta basa riba e publicacion cu bo ta bay ofrece y cu ta di interes pa e hendenan den e teritorio.
- Pensa bon kico lo bo bisa despues di cuminda e persona. Bo por cuminsa bo prome frasenan bisando: "Mi a pasa cerca bo pasobra ... ", "Hopi hende ta preocupa tocante ... ", "Lo mi tin gana di sa bo opinion riba ..." of algo otro. Generalmente, frasenan cortico y simpel ta mas mihor. Algun publicador ta siña nan introduccion for di cabes.
- Puntra e persona pa su opinion pa asina envolv'e den e combersacion. (Mat. 17:25) Corda cu ora bo yega, probablemente e persona lo ta pensando riba algo otro, pesey e pregunta no mester ta mucho dificil ni mester hinc'e den un skina.

Purba di Haci Esaki Durante e Luna Aki:

- Aparta tempo durante Adoracion Como Famia pa prepara algun frase di introduccion y practica nan.
- Ora bo ta predica cu otro publicador, bis'e ki introduccion bo ta bay uza. (Prov. 27:17) Si bo introduccion no duna resultado, cambi'e.

SIMAN DI 19 DI MEI

Cantica 131 y Oracion

□ Estudio di Bijbel di Congregacion:

cl cap. 7 §9-17 (30 min.)

□ Scol di Ministerio Teocratico:

Lesamento di Bijbel: Exodo 30-33 (10 min.)

Num. 1: Exodo 32:1-14 (4 min. of menos)

Num. 2: Ora e Ley di Moises A Yega na Su Fin, Esey A Conta pa e Dies Mandamiento Tambe —rs-S pag. 337 §1-2 (5 min.)

Num. 3: Abraham. Tene Fe den e Promesanan di Jehova—it-1-S pag. 31 §3-8 (5 min.)

□ Reunion di Sribishi:

Cantica 45

10 min: Dicon Nos Ta Predicadornan di e Bon Noticia? Discurso animante basa riba e buki Organisa, pagina 77 te cu pagina 78, paragraf 2. Puntra esnan presente dicon nan ta gusta sali den sribishi.

10 min: Bo Por Traha Pionero Auxiliar Durante Bo Vakantie? Discurso cu participacion. Repasa brevemente e rekitisonan pa traha pionero auxiliar cu tin den e buki Organisa, na pagina 113, paragraf 1. Pidi esnan cu a traha pionero auxiliar durante nan vakantie di scol de trabou pa comenta con esaki a beneficia nan. Anima e rumannan pa traha pionero auxiliar durante nan proximo vakantie.

10 min: “Nos Tin e Custumber di Ta Puntual?” Pregunta y contesta. Ora ta trata paragraf 4, pidi esnan presente pa splica kico ta yuda nan pa ta puntual.

Cantica 44 y Oracion

Nos Tin e Custumber di Ta Puntual?

¹ Jehova semper ta puntual. Por ehempel, e ta yuda su sribidornan “na e momento apropiado.” (Heb. 4:16) Tambe e ta duna nos “cuminda [spiritual] na e debido tempo.” (Mat. 24:45) Pesey nos por ta sigur cu su dia di rabia ‘lo no ta lat.’ (Hab. 2:3, BPK) E echo cu Jehova ta puntual ta beneficia

1. Ki ehempel Jehova ta pone pa nos encuan-to ser puntual?

nos hopi. (Sal. 70:5) Sinembargo, debi cu nos ta imperfecto y tin un bida asina ocupa, no ta facil pa tur ora nos ta na tempo. Pero dicon ta bon pa nos tin e custumber di ta puntual?

² Den e ultimo dianan aki, caminda hende ta stimado di nan mes y no tin dominio propio, hende puntual a bira hopi scars. (2 Tim. 3:1-3) Pesey ora nos como cristian ta puntual na nos trabou, afspraak y reunionnan, hende ta ripara, y esaki ta glorifica nos Dios. (1 Ped. 2:12) Pero sa sosode cu nos ta trempan na nos trabou pero hopi biahla laat na actividadnan teocratico? Si nos yega nos reunionnan na tempo, esta, prome cu cantica y oracion inicial, nos ta demostra cu nos kier ta organisa mescos cu nos Tata celestial.—1 Cor. 14:33, 40.

³ Ora nos ta puntual, nos ta mustra també consideracion na otro hende. (Flp. 2: 3, 4) Ora nos yega nos reunionnan na tempo, incluso esnan pa sribishi di veld, nos ta evita di distrai nos rumannan. Di otro banda, si nos tin custumber di ta laat, nos ta duna otro hende e impresion cu nos ta pensa cu nos tempo ta mas valioso cu esun di nan. Un persona puntual ta mustra cu e ta responsabel, diligente y confiabel, cualidadnan cu otro hende ta balora hopi.

⁴ Si tur ora bo ta laat, ta bon pa bo puntra bo mes ta dicon. Organisa bo schedule na un manera realistico; esey lo yuda bo cumpli cu bo tareanan na tempo. (Ecl. 3:1; Flp. 1:10) Pidi Jehova yuda bo. (1 Juan 5:14) Ora bo ta puntual, bo ta mustra aprecio pa e dos mandamentonan mas importante di e Ley, esta, stima Dios y bo prohimo.—Mat. 22:37-39.

2. Dicon e echo cu nos ta puntual ta glorifica Jehova?
3. Dicon ora nos ta puntual nos ta mustra consideracion na otro hende?
4. Si tur ora nos ta laat, kico nos por haci pa mehora?

SIMAN DI 26 DI MEI

Cantica 60 y Oracion

□ Estudio di Bijbel di Congregacion:

cl cap. 7 §18-22, cuadro na pag. 75 (30 min.)

□ Scol di Ministerio Teocratico:

Lesamento di Bijbel: Exodo 34-37 (10 min.)

Num. 1: Exodo 34:1-16 (4 min. of menos)

Num. 2: Dicon Fin di e Dies Mandamento No A Nifica Fin di Tur Restriccion Moral?—rs-S pag. 337 §3—pag. 338 §1 (5 min.)

Num. 3: Abraham. Un Abundancia di Bendicion No Mester Pone un Sirbidor di Dios Bira Orguyoso—it-1-S pag. 32 §1—pag. 33 §3 (5 min.)

□ Reunion di Sirbishi:

Cantica 32

10 min: Cuminsa un Estudio di Bijbel Riba e Prome Diasabra. Discurso cu participacion. Pidi e publicadornan pa conta con nan a yega di cuminsa estudio di Bijbel riba e prome diasabra. Uza e sugerencia na pagina 4 pa mustra con por haci esey riba e prome diasabra di juni. Anima tur publicador pa participa.

10 min: Ora Nos Wanta Persecucion, Nos Ta Duna Bon Testimonio. (Luc. 21:12, 13) Discurso cu participacion basa riba e Anuario 2013, na Spaño, pagina 124, paragraf 1; y pagina 128, paragraf 1-2. Pidi esnan presente pa comenta riba loke nan a siña for di e experencianan.

10 min: Caha di Pregunta. Discurso cu participacion na encargo di un anciano. Pidi rumannan adulto pa conta con e esfuerzo cu nan mayornan a haci pa siña nan berdadnan profundo di Bijbel for di chikito a beneficia nan.

Cantica 88 y Oracion

CAHA DI PREGUNTA

■ Kico nos mester siña nos yiunan pa nan crece den sentido spiritual?

Mayornan cristian ta haci hopi esfuerzo pa lanta nan yiunan “den e disciplina di Jehova y inculca su manera di pensa den nan.” (Efe. 6:4) Por ehempel, nan ta analisa e texto di dia tur mainta cu nan yiunan pasobra nan sa cu esey ta duna bon resultado. Durante Adoracion Como Famia y na otro ocasion, algun famia ta papia riba video cu nan a wak hunto, trata algun material specifico di e articulonan online di *Los jóvenes preguntan*, hunga escenanan di relatonan biblico of tene sesionnan di practica. Sinembargo, pa nos yiunan “alcansa madurez”, nan mester siña tambe berdadnan profundo di Bijbel.—Heb. 6:1.

Pensa un rato riba loke nos ta siña hende den territorio. Por lo general, for di e bishita inicial of na e siguiente bishita, nos ta haci esfuerzo pa cuminsa un estudio di Bijbel for di e buki *Kico Bijbel Ta Siña Realmente?* Despues di e publicacion ey, nos ta uza e buki *Keda den e Amor di Dios.*” Dicon nos ta haci esey? E buki *Bijbel Ta Siña* ta duna e estudiante e conocemento basico di e Scritura, mientras cu e buki *“Amor di Dios”* ta siñ'e con pa aplica principionan di Bijbel den su bida. E dos publicacionnan aki ta

yuda esnan nobo pa ta “hancra” den Cristo y bira “stabil den fe.” (Col. 2:6, 7) Pero e material aki lo no ta bon tambe pa nos yiunan? Nan tambe mester siña di e rescate, e Reino y e condicion di e mortonan. Nan tin cu comprende tambe dicon Dios ta permiti sufrimento y con nos por sa cu nos ta biba den e ultimo dianan di e mundo malbado aki. Nos yiunan mester ta convenci cu testigonan di Jehova tin e berdad. Ademas, nan tin cu siña principionan di Bijbel y entrena “nan capacidad di comprende.” (Heb. 5:14) Ta berdad cu mayornan tin cu tene cuenta cu e edad di nan yiunan y kico nan por capta. Pero ta bon pa no balota nan, pasobra hopi mucha tin e capacidad pa comprehendre berdadnan profundo di Bijbel for di un edad hopi jong.—Luc. 2:42, 46, 47.

Pa yuda mayornan, lo pone riba jw.org guianan di estudio basa riba e buki *Bijbel Ta Siña*. Por haya esaki bou di e seccion ENSEÑANZAS BÍBLICAS > JÓVENES riba nos website. Den futuro, lo prepara també guianan di estudio pa e buki *“Amor di Dios.”* Claro cu por uza e version imprimi di e dos bukinan aki tambe. Ta keda na mayornan pa dicidi si nan ta uza e material aki pa nan anochi di Adoracion Como Famia, pa conduci estudio di Bijbel cu cada yiu of pa siña un yiu con e mes por haci su estudio personal.

SIMAN DI 2 DI JUNI

Cantica 134 y Oracion

□ Estudio di Bijbel di Congregacion:

cl cap. 8 §1-8 (30 min.)

□ Scol di Ministerio Teocratico:

Lesamento di Bijbel: Exodo 38-40 (10 min.)

Num. 1: Exodo 40:20-38 (4 min. of menos)

Num. 2: Loke e Sabbat Ta Nifica pa Cristian-nan—rs-S pag. 338; actualisa: w11-PA 1/7 pag. 28 §16-17 (5 min.)

Num. 3: Abraham. E Scritura Griego Cristian Ta Confirma Cu Abraham A Existi—it-1-S pag. 33 §4-5 (5 min.)

□ Reunion di Sirbishi:

Cantica 115

10 min: Ofrece Revista Durante Juni. Discurso cu participacion. Pa cuminsa, uza e sugerencia-nan riba e pagina aki pa tene dos demostracion con pa ofrece e revistanan. Despues, analisa cada sugerencia di cuminsamento te final. Na conclusion, anima tur publicador pa familiarisa nan mes bon cu e revistanan y pa ofrece nan cu entusiasmo.

10 min: Necesidad local.

10 min: Con A Bay? Discurso cu participacion. Pidi e publicadornan pa splica ki beneficio nan a saca ora nan a aplica e puntonan for di e articulo "Con pa Mehora Nos Sirbishi: Prepara un Bon Introduccion." Puntra nan ki bon experien-cia nan tabatin.

Cantica 44 y Oracion

Anuncio

■ Oferta di literatura pa **mei y juni:** Kico Bijbel Ta Siña Realmente? y e tratadonan Bo Kier Haya Sa e Berdad?, Bou di Control di Ken Mundo Ta En Realidad? y Kico Bo Ta Pensa Lo Sosode den Futuro? **Juli:** Uza e foyeto Dios Tin Bon Noticia pa Nos! of un di e siguiente foyetonan di 32 pagina: Scucha Dios of Scucha Dios y Biba pa Semper. **Augustus:** Tratado pa duna publicidad na jw.org.

■ Cuerponan di anciano mester repasa e carta di 6 di januari 2012 relaciona cu preparacion pa desaster. Nan mester haci sigur cu nan tin informacion al dia tocante con pa tuma contacto cu cada publicador. Naturalmente, ora no tin un situacion di emergencia tambe ta bon pa publicadornan informa nan superintendente di grupo of un otro anciano si nan ta bay ta ausente pa un periodo largo; por ehempel, ora nan ta bay afo cu vakantie of biahia pa trabou of si nan tin cu bay hospital.

Algun Sugerencia

Pa Cuminsa Estudio di Bijbel Riba e Prome Diasabra di Juni

"Nos ta haciendo un bishita breve pa papa riba e pregunta interesante aki. [Muestra e persona e prome pregunta parti patras di *E Toren di Vigilancia* di 1 di juni.] Kico bo ta pensa?" Permiti e persona contesta. Trata e informacion di e prome pregunta y lesa por lo menos un di e textonan cu ne. Ofrec'e e revista y traha un afspraak pa trata e siguiente pregunta.

E TOREN DI VIGILANCIA 1 di Juni ANUNCIANDO E REINO DI JEHOVA DIOS

"Humamento ta mata rond di 6 miyon hende pa aña. Bo ta kere tin algo cu hende por haci pa para e epidemia aki? [Permiti e persona contesta.] Hopi hende a dicidi di stop of keda leu for di humamento ora nan a haya sa Dios su punto di bista tocante esey. Por ehempel, e texto di Bijbel aki a yuda algun hende para keto y pensa con nan habito ta afecta otro hende. [Lesa 1 Corintionan 10:24.] E revis-ta aki ta splica cu ora un hende haya sa con Dios ta mira humamento, esey por motiv'e pa e stop di huma."

¡Despertad!® Juni

"Awendia rednan social a haci posibel cu hende tin mas tanto supuesto amigo cu nunca prome. Segun abo, kico ta e cualidad di mas importante cu un berdadero amigo mester tin? [Permiti e persona contesta.] Wak un ehempel aki di e consehanan practico cu Bijbel ta duna encuanto amistad. [Lesa Santiago 1:19.] E revista aki ta trata cuater principio cu por yuda nos ser e clase di amigo cu otro hende kier tin."

Logronan Sobresaliente di Decembre

Isla	Pio. Spec.	Pio. Reg.	Pio. Aux.	Publ.	TOTAL
Aruba	6	63	12	830	911
Boneiro	5	7	3	93	108
Corsou	2	171	44	1.712	1.929

Nos kier duna un bon bini na e 23 publicadornan cu a batisa decembre ultimo na e asambleean di circuito cu a tuma luga riba islan ABC. Corsou tabatin un maximo nobo di 1.929 publicador.

